



Beste FynVeer Kunstgenote,

Ons is verheug om jou by vanjaar se FynVeer Kunstefees te verwelkom & opgewonde om die inskrywingsbesonderhede met jou te deel.

Vind hiermee jou FynVeer-registrasiepakket vir **SKRYFWERKAFDELING!**

FynVeer Kunstefees ondersteun alle skryfstyl. Ons skep 'n innoverende en passievolle platform vir skrywers & skryfkuns. Deelnemers word beoordeel en bemoedig in 'n veilige en regverdigte omgewing.

Die FynVeer Skryfwerk-afdeling aanvaar enige universele temas en onderwerpe.

1. **REGISTRASIEFOOI** (slegs van toepassing op nie-geaffillieerde inskrywings)

Per item	-	R100.00	per skryfwerk
Meer as een item	-	R150.00	eenmalig per skrywer
Spanwerk	-	R300.00	maksimum drie skrywers

2. **SKRYF-STYLE:**

SKRYF-STYLE	KODE	VOORBEELDE VAN SKRYFSTYL
Oortuigend	O	Brief, Advertensie, Koerant artikels, Resensies, Aanbeveling
Naratief - Fiksie	NF	Volksverhale, Novel, Kortverhaal, Poësie
Naratief - Verhalend	NV	Volksverhale, Novel, Kortverhaal, Poësie
Verklarend	VK	Handleiding, Resep, Artikel, Nuusberig, Besigheidsbrief
Beskrywend	B	Gedig, Joernaal, Natuur, Novel, Drama

3. **KATEGORIE & AFDELINGS**

SKRYFWERK			
AFDELING	ITEMKODE	INSKRYWINGSFOOI	VERWYSING VOORBEELD
Poëtiese Digkuns	SKR(PD)	R150-00 per item	SKR(PD)NF vir Fiksie Gedig
Prosaverhale	SKR(PR)	R150-00 per item	SKR(PR)B vir Beskrywende Prosa
Liedjie Skryf	SKR(LS)	R150-00 per item	SKR(LS)NV vir Verhalende Lied
Bladmusiek Skryf	SKR(BM)	R150-00 per item	SKR(BM) vir bladmusiek in eie styl
Riodrama	SKR(RD)	R300-00 per item	SKR(RD)B vir Beskrywende Riodrama
Brief	SKR(BR)	R150-00 per item	SKR(BR)O vir Oortuigende Brief
Artikel/Berig	SKR(AR)	R150-00 per item	SKR(AR)VK vir Verklarende Artikel
Joernaal	SKR(JR)	R150-00 per item	SKR(JR)B vir Beskrywende Joernaal
Novel	SKR(NV)	R500-00 per item	SKR(NV)NF vir Fiksie Novel

Inskrywingsgelde sluit professionele beoordeling, repliek, medalje en sertifikaat met simbool in.

Spanwerke ontvang slegs een sertifikaat en medalje.

Alle inskrywingsgelde en dokumentasie is onderhewig aan 'n sluitingsdatum op ons Facebookblad.

Byvoorbeeld: Jy is 'n graad 4 leerder en skryf in vir skryfwer met 'n Verklarende Brief.

Jou verwysing lyk as volg:

R100 (registrasiefooi) + R150 (inskrivingsfooi) = R250 met verwysing **SKR(BR)VK + NAAM & VAN**

**BANKBESONDERHEDE: FYNVEER · FNB · Besigheidrekening · Rek no: 62922423760 · Tak: 250655
Maak seker dat bewys van betaling gestuur word na admin@fynveer.co.za + korrekte verwysing**

4. ALGEMENE INLIGTING:

- **FYNVEER BYEENKOMSTE**

Daar is verskeie byeenkomste en datums vir Skryfwerk geleenthede gedurende die jaar, so hou ons Facebook-bladsy dop vir al die nuutste nuus. Onthou ook om deel te neem aan ons kommentaar en moenie huiwer om ons Facebook-bladsy te deel met ander kunstgenote nie.



FACEBOOK-SKAKEL: <https://www.facebook.com/FynVeer>

Gebruik die volgende #utsteken op jou sosiale media:

#FynVeer of 'tag' ons op Facebook by @FynVeer Kunstefees

- **INSTAPPIES**

FynVeer Kunstefees doen ook instappies waar ons kundige span en beoordeelaars jou skool, instansie, ateljee, verhoog of teater besoek. Skakel ons vir meer inligting hieroor.

- **BEOORDELING**

Die FynVeer beoordeelaarspaneel is geselekteerde professionele, en opgeleide beoordelaars met genoegsame kennis in elke kunsgebied. Die FynVeer beoordeelaarspaneel se besluite is finaal.

- **PRYSUITDELING**

Na afloop van elke kategorie/afdeling, word daar 'n prysuitdeling gehou en deelnemers ontvang hulle medaljes en sertifikate met simbole by die byeenkoms. Indien deelnemers nie die prysuitdeling kan bywoon nie, moet dit vooraf gekommunikeer word by:

admin@fynveer.co.za of jeandre@fynveer.co.za

- **TOEKENNINGS**

Alle deelnemers in elke kategorie, ontvang professionele beoordeling met 'n repliekstaat na die tyd, 'n medalje en sertifikaat met 'n simbool.

Groepe groter as vyf deelnemers ontvang slegs een sertifikaat en medalje per groep.

Alle deelnemers word genooi om na afloop van die prysuitdeling, by die trofee-tafel 'n draai te maak en 'n foto met jou kategorie se trofee te neem. Trofees word nie huis toe geneem nie en word slegs gebruik vir foto doeleindes.

Ons trofees is baie kosbaar en spesifiek gemerk onder elke kategorie.

- **SIMBOLE**

Toekenning vir alle items word volgens die volgende simbole bepaal:

95% - 100%	A++	(HOË GOUD)
90% - 94%	A+	(GOUD)
80% - 89%	A	(HOË SILVER)
75% - 79%	B+	(SILVER)
70% - 74%	B	(BRONS)





- **WERKSWINKELS**

FynVeer bied ook Kuns-werkswinkels aan waar ons deelnemers, afrigters, skrywers en ouers oplei en bemagtig om skryfwerk op die voorgeskrewe manier te skryf en in te dien. Hierdie werkswinkels word aangebied deur middel van instappies met 'n minimum van 20 lede.

Hou ons Facebookblad en webtuiste dop vir meer inligting.

- **BEOORDELAARS & SEREMONIEMEESTERS**

FynVeer beskik oor 'n paar geregistreerde beoordelaars en professionele seremoniemeesters vir jou volgende funksie of gala geleentheid. Skakel ons gerus vir meer inligting.

- **SKRYFWERK REËLS**

Daar is algemene reëls en regulasies waaraan elke deelnemer in die spesifieke kategorie moet voldoen. Hierdie reëls is saamgestel deur die FynVeer-bestuurspan en ander rolspelers in die kunste-industrie. Alle deelnemers is onderhewig aan die reëls soos uiteengesit hier onder.

(sien volgende bladsy)

SKRYFWERK REËLS

Daar is algemene reëls en regulasies waaraan elke deelnemer in die spesifieke kategorie moet voldoen. Hierdie reëls is saamgestel deur die FynVeer-bestuurspan. Alle deelnemers is onderhewig aan die reëls soos uiteengesit hier onder.



1. Oortreding van die kompetisiereëls kan tot diskwalifikasie lei.
2. Die skool/deelnemer/persoon/persone/instansie wat inskryf, vrywaar die FynVeer Kunstefees teen enige eise wat kan ontstaan as gevolg van skade of verlies van enige aard wat so 'n persoon/persone/instansie kan ly gedurende die hele verloop van die kompetisie en daarna.
3. FynVeer behou hom die reg voor om die kompetisie enige tyd op te skort of te beëindig indien buitengewone of onvoorsiende omstandighede (*soos natuurverwante toestande*) dit sou noodsaak.
4. Die beslissing van die Fynveer-beoordelaars is finaal. Geen persoonlike of direkte gesprekke mag met enige beoordelaar gevoer word nie. Alle geskrewe korrespondensie moet deur middel van die FynVeer-bestuur gevoer word.
5. Enige dispuut moet binne drie dae ná afloop van die kompetisiebyeenkoms aan die FynVeer bestuur gestuur word. Die dispuut moet skriftelik ingedien word sodat die nodige terugvoer gegee kan word.
6. Deelnemers neem deel in jaargroepe soos op registrasievorm aangedui word.
7. Geen foto's, video- en/of klankopname of enige ander beeldmateriaal mag tydens die FynVeer-skryfwerkkompetisie sonder die toestemming van die FynVeer-projekorganiseerder gemaak word nie. Dié reël geld vir alle optredes en werkswinkels.
8. FynVeer behou die reg voor om alle professionele beeldmateriaal en foto's wat gedurende die Skryfwerkkompetisie geneem word vir bemarkingsmateriaal te gebruik.
9. Gevorderd en professionele skryfwerk kan 'n volledige sinopsis van die skryfwerk sowel as biografie van skryfwer saam die skryfwerk inhandig.
10. Skryfwerk-beoordeling sal in elektroniese-formaat plaasvind tensy anders gereël. Elektroniese beoordeling kan tot 7 werksdae neem.

FynVeer is baie opgewonde om ons vlerke saam elke skool/deelnemer/persoon/instansie/ateljee/studio te sprei en hoog te vlieg – saam maak ons 'n verskil, nie net in die gemeenskap nie, maar ook in elke deelnemer se hart.

Ons bou saam aan die kunste, toekoms en drome van elke deelnemer. Ons bemoedig, streef en verbeter.

Ons is opgewonde oor die nuwe KUNS-avontuur en sien uit om julle te ontmoet!

Kom **DROOM** saam, kom sit die **HOOP** terug, kom ons maak **KUNS**, kom ons **FYNVEER**!



FynVeer Admin

admin@fynveer.co.za

079 4911 789

www.facebook.com/fynveer

<https://www.fynveer.co.za>